

羅室鉢書畫過目攷

羅室鉢書畫過目攷



通州李玉棻真木編輯

甌鉢  
羅室

書畫過目攷

上海江南圖書局發行

甌鉢羅室書畫過目攷 卷首一卷

共 4 册 存 4 册 排架号 11527



甌鉢羅室書畫過目攷卷首

王公宗室目錄

承澤裕親王

慎靖郡王

固山貝子弘晫

質莊親王

成哲親王

岳端

書誠

永忠

通州李玉茶真木編輯

甌鉢羅室書畫過目攷

甌鉢羅室書畫過目攷

目錄



甌鉢羅室書畫過目攷卷首

通州李玉茶真木編輯

承澤裕親王諱碩塞號寬庵太宗文皇帝第二子山水得倪黃之三昧花  
木  
有陳徐之奧旨工詩古文連結齋上公藏有墨松石綾本大橫幅行書  
款識二行

慎靖郡王諱允禧號紫瑤道人又號春浮居士聖祖仁皇帝二十一子山  
水雅逸倪瓚花木秀逼唐寅詩近晚唐風流儒雅庇天下知名士易祖栳  
朱文震館其邸第最久著花間堂紫瓊崖詩草紀程草阜蔭方尚書藏有  
奉勅畫仿倪黃文董山水小冊十六葉陳詩庭孝廉藏有仿董源雲山圖  
立幀余藏有絹本山莊清曉圖大幀兼用王鑑王翬法行書七絕一首李  
鐸易祖栳詩跋惜薰污過甚北地收藏往往如此

固山貝子諱弘昉字恕齋一字醉迂號一如居士又號滄華道人慎靖郡



王子山水得董黃之妙諦花木具陳陸之秘傳擅篆隸工詩詞著恕齋集邵伯英太史藏有設色山水大冊吳子復太守藏有墨筆仿巨僧山水立幀邊隙金士松劉壙董誥跋增芝田觀察藏有仿王紱墨山水長幀款署定圃尚書余藏有設色十萬圖大冊如萬斛天香萬峰聳翠萬絲煙柳萬選青錢萬松揖壽等作古肆見有羣仙祝壽圖花木大幀款書左角下心泉上人藏有淺絳山水卷張洽董椿吳錫麒三題詠李汪度跋四行又有仿高克恭設色山水立幀篆書青山白雲圖五字時款三行間歸景劍泉閣學矣

質莊親王諱永瑤號九思主人高宗純皇帝第六子書法徐浩山水學黃堅花木師陸治著九思堂詩鈔王蓮西通副藏有仿倪黃墨山水直幅行書七絕二首時款三行曾筮巢侍御藏有臨董宗伯夏本垂陰圖大幀題識四行高廟御題七絕一首余藏有雙鈎水仙立幀詒晉齋題五

律兩首於詩堂增芝田觀察藏有設色山水大幀鈐有避暑山莊大璽古肆見

有設色山水

小冊十六葉對幅皆董誥楷書題首二葉仁廟御題

五律一首又設色玉蘭軒餞春圖立幀純擬王翬又設色山水直冊款書末葉下角皆奉勅畫蓋當時府邸多名畫手尋常作不免倩人代也成哲親王諱永瑛號少尸又號詒晉齋主人高宗純皇帝第十一子書法胎息歐陽詢出入羲獻兼趙孟頫流韻中年擅臨唐宋各家均造極詣篆隸追秦漢通其意寫竹蘭工詩著聽雨屋詩集刻詒晉齋帖曾筮巢侍御藏有臨各家行楷冊十八葉阜蔭方尚書藏有大楷詠花詩卷則晚年從歐法書家西園主人藏有和吳穀人七律八首行書卷則融化歐趙又梧桐鏤花小楷臨破邪論序冊附葉梁章鉅小楷跋佛荷汀駕部藏有大楷歸去來辭大幀福樹之太守藏有絹本楷書大學大橫幅古肆見有臨晉唐書烏絲冊前六葉印南款後六葉若山款又花箋行



書七律四首卷又真草篆隸大冊十六葉余藏有臨米詩札卷又行楷白紙便面冊十葉皆天爵駙馬款家芝階太守藏有設色山水立幀行書署款陳文述跋識詩堂內

岳端字正子號兼山又號玉池生紅蘭主人安和郡王第十八子畫近八大山人詩具天真著玉池生稿張朗山大理藏有墨筆芝蘭立幀意似徐天池詒晉齋題二十八字名款共六行

書誠字實之號季和一號子玉又號樗仙輔國將軍長恒子襲封奉國將軍寫梅得天趣工詩著靜虛堂集連續齋上公藏有金粟牋墨梅石立幀時款一行左上七絕一首

永忠字良輔一字渠仙號曜仙多羅恭貝勒弘明子襲封輔國將軍工梅竹小景著延芬堂集錫子康觀察藏有墨筆枯木竹石立幀法式善題二十八字名款一行

自序

書畫名家自晉迄元盛矣世傳特罕僅於著作諸編存姓氏里居讀者類同耳食求其真蹟寓目難矣哉至明則祝希哲聶壽卿淵源承旨實乃闡發右軍莫秋水黃石齋悉滌蘇米積習自求精謹文衡山沈啟南形貌雖殊同一鼻孔出氣仇實父唐六如彙萃宋元兼通算除界畫董香光書接平原畫追北苑鼎能冠世畢竟天人凡此各家允為書畫嫡傳餘則自矜所尚好古之家久經論定迨清朝肇興名家蔚起書則姜汪何陳畫則四王吳惲各標高譽而能事畢矣他如書家之王翁林張涇南劉石庵畫家之楊西亭黃尊古董孚存一時繼起為世所推爰及中葉則有詒晉齋鐵冶亭王禹卿方循遠黃穀原戴鹿牀不可枚舉而繆篆則又有錢獻之洪又喆孫季述分隸則桂未谷伊墨卿黃秋盦兼篆隸者則鄧完白陳曼生其兼行楷篆隸者則翁蘇齋蔡生甫人物則陳章侯改伯蘊花鳥則華秋



岳李復堂兼人物花鳥者則金壽門費子苕白描則萬年少寫照則禹春齋指墨則高韋之左腕則高雲阜乾皴則李萊園水墨則錢籜石至於小楷章草飛白鐘鼎梅蘭博古雁蠅鬼趣各有專家亦足前後媲美馳聲藝院焉故有名入法書攷以紀書也畫徵錄墨林今話以紀畫也自時厥後既乏鉅製之邁前賢更稀劄記留續後起偶見近人手蹟反無從而攷核之抑亦憾事矣余性耽書畫幼已成癖每道遙於古肆討論於老成洵知真偽之分全在按羅之富也因就正於景劍泉閣學其濬曾筆巢侍御協均探索兩家秘笈聆奇瞬美晷旦不疲夜分就枕展轉精思更與心泉長老明基結方外緣並得其所資益三十年精力所聚矇瞽頓開猶移突釋矣辛卯壬辰從戎關外凱旋而後瑟居瘵踣聊浪鮮懽欲求賞心悦目之品不可得而見焉偶檢行笥得曩時所輯過目攷一編詳加釐定自慚躁妄益滋愧怍然而酷嗜微忱未肯遂棄重為增輯復添百五十家而疇昔

所見憶有未確者刪之重見疊出者更之意在簡潔事每闕失况我朝文治光昌卓越前代書畫流傳儼為不朽功業名公鉅卿靡不收之自足貴也而鄙俗之子市井之徒伎倆紛歧朝得皮相暮偽託名廣鼎層出見者昧矣夫聞諸緒論猶不足資攷證僅專求筆記間又烏能辨真偽乎是以文義歲月行款題跋期明晰罔煩覩縷竊幸明末迄今流風未久尚易鑑評工於審定之家觸手延睇自立判焉彙茲一編分為四卷以王公宗室冠首名媛釋道附末凡著錄者則千家未滿謹誌眼福之緣心焉嚮往喜良朋之共賞聊勝雲煙空過耳若謂鑑別之助則掛一漏萬固難免博雅君子所騰笑也已

光緒二十年甲午伏日李紱貞蕤識於瀋陽褪杓館



我生孤寒只一介讀書每虞耳目隘二十壯遊入長安始覺心胸拓境界  
畫家氣韻出於天書契形聲取諸夬劇憐手拙弗能書更兼眼昏不識畫  
巧技空傳玉楮雕善欺恐比黃柑賣論畫不分南北宗論書罔識唐宋派  
目迷五色空耳食一生常被名流怪敢云口裏有雌黃且喜胸中無芥蒂  
持節東都已三年恒守官箴與家誠造士每先別良莠衡文頗可辨秕稗  
方將藥籠蓄復苓敢以絲麻棄管削才疏妄思為世用性懶早欲謝天械  
閑邪閱稱名族議論縱橫氣豪邁胸襟每覺星宿羅腹書真宜日中曬  
競說中郎識爨桐頓使須彌盡納芥卞和抱璞重璠璣風胡相劍出鑪鞴  
牙琴幸遇鍾期賞奇石每下米顛拜磬頭時時悟靈機釵股細細看倒薤  
甌鉢羅室有真鑑與古名家同沆瀣小印每鈐特健藥奇珍恐負清淨債  
雲煙過眼輒著錄如見下筆風雨快清悶直欲過雲林金簡何異發石簣  
恍入五都貨紛羅如瀉三峽勢澎湃校獵長驅木葉山研營直抵珍珠寨



扶搖欲追九萬鵬釣餌常持十五犢得鼎輒能辨真贗擲米應難弄狡獪  
欲使姓字永流傳常恐絹素多朽敗宏獎不惜齒牙利割裂應憐羽毛鍛  
金躩玉題古錦贖前輩風流不少殺每患時輩無真賞要與前賢通聲効  
笑我自慚才力薄欲往從之甚矣憊見獵心喜亦徒然轉覺技養如爬疥  
更以巧辨藏其拙玩物喪志素所戒詎知心病入膏肓勿藥安能得小瘥  
見君豪氣逼人來久病猶能起疴瘵桐陰新論多定評竹朋鑑影亦嘉話  
君書晚出尤精嚴卓識獨能辨緯繡古人已往不可作令我臨風發深喟  
三韓遠播風雅譽二陸同居參佐靡乘風破浪會有時大海揚帆濟所屆  
光緒二十年夏六月歷城張英麟振卿拜題於蟠榆籟

序

物莫不聚於所好非物聚之心聚之也心苟好是則必遐搜博覽喜其得  
而懼其失故隨得隨聚亦愈得愈聚久之向所不得者亦因所得而來聚  
然而物也瀰漫天地流著古今非俟好者而後示之特遇好者而後知  
之而後求之其不好者孰視若無覩也此凡事皆然而古之人精耽道術  
則聚之於心遂筆之於手彙其說而傳之其人歟若庾元威論書論畫布  
在藝林共諸同好也李氏為通州巨族鑑賞名家烜赫是藏人百其喙吾  
友均湖少嗜翰墨長則彌精喜新之所得懼昔之所失故見夫名人手蹟  
必詳攷其淵源審其筆墨定其真偽大率以名家為主兼及其師弟子孫  
不憚煩複若經史金石攷核名家高僧淑媛所見無不采錄研心歲久獲  
觀日多編次成帙出為鑒定所好者率多同心名曰過目攷以其編所見  
者誠不能該備無遺而一代聞人名蹟集成一冊亦略可覩矣有同好者



覽之宜如何羨其眼福哉均湖年方鼎盛學業正遙以一心之好而所聚如是則凡理之可以好而聚者其知所以聚之矣夫書畫業之一也鑒書畫亦學之一也君其然此言乎否乎

光緒乙亥建元首夏通家世弟阜保蔭方拜手

予同年嵎縣樓廣侯給諫嘗言其姍家通州李均湖司馬好古真鑒予顧未之識也已卯歲視學粵東有前輩大城劉樹君觀察喜搜金石窰漆珠玉犀象曾以千金市蘭亭榻本搜奇誌喜聞者豪之而於書畫獨推唐宋諸大家以絹素朽敗千載難逢矣予譎陋自慚翫物素戒樹君既以搜羅鳴粵東其遊知交多勝流俠客然未嘗有言及均湖者豈均湖不求知於人故人之知之者希邪或如老氏云知我者希則我貴矣均湖特持此以自勵不肯阿曲徇人則時以自鳴其得意焉耳壬午歲試畢將還京雅集寅僚均湖在焉詢其好古真鑒示觀書畫過目攷一編不言乎唐宋金元乃專紀勝國以後及近世諸家蓋以所去未遠淘洗功深不至魚目混珠而又識及所見之物考核詳實足徵文獻而成信史其為好之深且篤者也均湖年甚少富收藏親舊皆博雅君子商榷無遺又何必如樹君之喜搜金石窰漆珠玉犀象以分其所好哉異日所蓄益多所見益繁所為攷



益博而益精前明文項諸人若可跂而及矣均湖倘歸京遇廣侯當以予  
言訊之其必有以意領也山左馮爾昌友文拜書簡端

題詞

吳縣潘曾紱 紱庭

盛時書畫喜新編法眼公然屬少年老我謬居狂賀監憐才應許李青蓮

海王邨裏話前因羣從交遊誼倍親 數年前與君兄李村菊人每遊古肆 鑑得冰清真玉潤

老船原不媿傳人 卷中老友張司空吾鄉近時書畫傳人七十外自號老船君其塔也

同邑劉湖 晴浦

村學何能論鑑藏祖孫書畫一編詳 堂伯純齋公堂姪雲茱皆入卷中 媿無妙句酬風雅

好古從來重梓桑 君家四世皆工鑑賞

秀水張熊 子祥

篋裏藏名蹟編中盡古人才華盛 昭代筆墨有傳薪南北蒐羅富朋儕

鑑別真羨君多慧業愧我寫繁春 時以所畫三香圖小幅為贈

固始吳元炳 子健



季雲都轉竹朋守更識君家司馬賢他日合將三李刻叢書載得鑑藏編

李季雲都轉有愛吾廬書畫記李竹朋太守有書畫鑑影

傳薪克紹辨源流過眼琳琅筆下收羨煞鮑邱風雅客甌鉢羅室著春秋

長白文 夔龍伯

書畫摩挲六十年井蛙自笑說觀天輪君過目都成攷算得功臣與昔賢

眼界真同福分寬閑邪門第久瞻韓不期萍聚關山外老我棲遲校字完

諸城王志修 竹吾

何須更泛米家船風雨青鐙手自編賴有生花一枝筆不教過眼化雲煙

瓜田論畫先徵錄老鐵評書但有詩讀罷斯文更遙想月明人遠冶春時

君將從戎東征

題跋

是編錄出不商於名公鉅卿而商於方外人蓋因明基有專嗜焉展讀一過恍與古名蹟相對時也卷中所收五百餘家過目之品二千有奇且錄及明基所藏尚以拙鑑為不謬也所短者清初遺老宜搜羅補入近時作手亦有可採明基願供一簣之助云時光緒丁丑臘八日松筠庵僧明基呵凍和尚

韻湖恒言書畫之學與年俱進鑑定之功酷嗜則精殆於古名蹟有深癖者耶此編見於蓮西齋中讀竟已漏盡時碧天如洗霜氣襲人欲索主人飲紅日三竿吾將訪韻湖藉醅顏而扣其所傳傳之於吾身焉弟連成拜讀

甌鉢羅者釋語青蓮花也以顏雅構蓋取君家太白之意時當春莫道出潞河授館是椽窗竹折籜海棠苞把酒訴衷縱談輒曉未覺留連旬日



買棹言別承以汪退谷大楷書冊載鹿牀畫冊見貽並示所輯過目攷一編展讀一過搜奇誌好眼博手勤有如是耶憶舅氏陶鳧老紅豆樹館書畫記擬供校刊之役風塵鞅掌未獲從事不禁觸我渭陽之感也第此編方六百家寓目隨編詮次亦未卒業不知與紅豆樹館孰爭先而出哉姻愚兄潘蔚書誌

昔日學書池水盡墨畫被至穿力行之功此焉最古青年弄筆皓首成名以不朽之功業託於楮素傳之無窮又必賴鑑賞以定之藉紀載以永之古今來莫易其說也今余生也晚未獲聞名賢緒論而日事翰墨未嘗有倦容恐學之日短空自成癖不足為斯道之傳盥誦大集靡不畢見心追古往能無三嘆清泉符翁謹識

隨筆叙記絕不經意簡潔得宜攷核是實世傳論書畫諸編尚鮮此體例專舉所見者輒錄登之不濫不遺具見手眼俱空而鑑賞之真也戊子新秋日華陽姻世愚弟卓椿拜讀於竹浪齋

辛卯伏日晨起盥漱薰風不來火雲如爍汗淫背下檐坐披讀過目攷一編心曠神怡恍與古人晤對不啻冰壺濯魄也至於攷核精嚴評論的確不欺世好無所私何怪鑑賞家而多傾心焉如卷中彭竺里張兔公高固齋楊水心劉雲茶李白樓皆久未攷悉今得釋然矣噫近時淺學之流假好古為風雅輒購唐宋贗鼎其藏可鄙其愚良可憫哉是編輯自清初真本偽作自有明證願付手民慎勿自秘俾初學家各存一冊朝夕研尋其啟悟之功胡可量乎錢唐姻世愚弟江清驥頤園甫拜讀於宣南虎坊橋寓廬時年七十有六

甲午夏日庶與先生同客瀋陽戎次以論古相契合蓋余於鑑賞之道亦稍窺其藩籬而先生審定之功遠過於庶自當以師事之暇時出示過目攷四卷起明末迄清朝而並世之人不與焉其中攷覈精詳鑿鑿可據既



不減前明張青父清河書畫舫已而前賢名迹賴以不湮尤可與近世李  
竹朋書畫鑑影共傳不朽後之覽者不獨論世可以知人而神遊目想恍  
若置身藝林將有遇於空濛寂歷之鄉而相與欣賞也已懷甯陳衍庶昔  
凡謹跋

韻湖司馬自髫齡好古善鑑咸與當年諸君子遊如景劍泉阜蔭方曾笙  
巢均折節訂交引為畏友此卷積三十年眼福攷核精確每一展帙儼與  
名蹟相晤對暄同此癖幸多砥礪之功皆屬過眼雲煙不若君之有心哉  
讀畢緘還書此以誌嚮往甲午重九日三韓延暄旭堂拜讀於靜安莊梨  
雲山館

書畫不易鑑鑑亦不易盡精上追於古下瞰於今總恃鑑賞者代有其人  
然或矜富貴以烜赫或乘伎倆以市利或手澤流傳而每自輕或雲煙過  
眼而莫所覺書畫之變境固不可計數矣少時輒喜書畫憶昔家藏當東  
河之變漂沒洪濤為憾事至入仕籍所識鑑賞家如李山農觀察宗岱以  
師侍之宮子行明府本昂以友畏之他如書畫家汪莸民明府昉張菊如  
廣文士保相與討論搜羅甚鮮丙戌解組歸里訂盟於均湖司馬晴窗淪  
茗雪夜圍爐論古評今頓覺有悟長女端徽初學繪事授以參究古法又  
以吳梅村句似能不能得花意鐫章况之長子濟斌又學品評古玉于君  
前一門景仰不以瑞為門外漢見黜遂出所輯過目攷一編洞參宗旨探  
討淵源喜真鑑之有人亦書畫之際遇近聞同人請付手民藉傳人而傳  
已幸勿自秘庶不負三十載編輯苦心兼可求益于大雅云爾乙未春暮  
鐵嶺兄增瑞芝田讀竟拜誌于餘園



例言

一紀書畫諸編莫精於佩文齋書畫譜然所詳者前代至詳紀我朝則有畫徵錄百幅庵畫寄墨香居畫識畫林新詠墨林今話桐陰論畫等編皆紀畫而不紀書若名人法書攷名人尺牘小傳又紀書而不紀畫至藝芳書畫錄式古堂書畫備攷河間書畫錄與夫蜨隱庵書畫綴等編則多詳於遠者而略於近人茲自明季遺老迄今日已故諸家凡所過目者兼書畫識之不復區別庶備一代理人文之攷更誌一時眼福之幸一紀畫諸編首錄列聖奎藻彼特以畫言茲兼攷及書我朝聖聖相承無不天章炳煥何煩縷及未敢褻登

一書林首望族寓尊王之意馮氏便覽仿其例彭氏彙傳因之茲取以為法列宗室王公於編首

一各立小傳先詳字號以及別號晚稱次籍里次科第官階學業梗概撰



著諸集摹刻諸帖有關本書之意而已而平生奇節名言未能全錄意在簡要故也

一凡是編皆取其人以書畫傳間有不名書畫而精通其理或鑑藏不爽或攷證無遺要必有過目筆墨者始具錄焉

一凡大家書畫流傳多寡不一是編祇慎擇詳審不肯以偽作屏廁其中亦不能備登所見者

一大家父子兄弟叔姪並世擅名暨子孫克紹師弟相承偶附本傳之末其另紀於後者亦必述其淵源乃攷核非一時並非存軒輊之意耳

一小傳後紀以卷冊屏幀次便面偶有擇錄款識文字歲月亦出過日時之默記難無隻字之訛幸不因此生疑

一凡書畫之傳有初年暮年精意隨意之別謬附評隲專就過目者而言不無失當之處真鑑家不必據依此論

一編編輯全憑攷核謬誤相承自所不免且編中所紀僅就已意為斷少有呵好者亦可有目所共賞

一物理無常得失靡定編中所紀某藏亦就過日時言嗣後見於它處殊不可定但非智取豪奪庶子孫得以久守

一紀載諸書皆以名媛釋道附後俾有別焉惟匠役女冠優妓不無可傳之人惜過目者少未便另立專門

一如紅豆樹館書畫記書畫鑑影愛吾廬書畫記多載全文印章紙絹尺寸題跋彼專紀其所藏茲曰過目攷皆出一瞬之見殊難詳錄而家藏者又屬無多若誌兩歧則眉目必紊

一書家之楹聯最盛於昭代擬另編楹帖彙攷載及聯語邊款印章是編概予不入

一是編三次增補約得千家釐為四卷我朝二百餘年文治蒸蒸日上宗



工哲匠何地無才或沒湮無聞或流傳太少或爵里未悉擬俟續編再  
補缺漏

一編輯起自己丑止於乙未更易數四乃逐年以刪補措詞俚俗次序亦  
多紊亂本為置之案頭兀坐遐思如對諸名蹟除知者之索觀從未輕  
以示人恐見嗤於大雅

光緒二十三年丁酉初秋虹月船師誌於傳鑑堂 元振謹錄

甌鉢羅室書畫過目攷附卷

釋氏目錄

道濟	正岳	宏仁	通真
髡殘	上睿	達真	寶源
明中	石莊	真覺	韻可
寄塵	相潤	達受	明明
量雲			

道家目錄

張風	伊大麓	黃明薰	趙蓮
樊鎮			

名媛目錄

文淑	柳隱	顧眉	徐昭華
----	----	----	-----

甌鉢羅室書畫過目攷

附卷目錄



黃媛介	馬荃	徐榮	蔣俶
陳書	趙昭	吳正肅	陳結璘
毛秀慧	汪漣	金淑	楊端雲
鮑思	吳藻	鍾若玉	曹秀貞
方畹儀	王玉燕	惲懷娥	<small>懷英</small> 棟鄂夫人
吳申	錢琳	畢慧	顧韶
管筠	薩克達氏	董畹貞	<small>湯嘉名</small> 金佩芬 惲珠
程景鳳	蔣徽	王素雲	許淑慧
方若薇	岳筠	韓吉階	汪延慶
徐寶篆	金蕊	顧蕙	陸蕙
朱畹芳	黃韻生	錢璞	張玉
焦氏	鍾惠珠	項保艾	焦學漪

甌鉢羅室書畫過目攷附卷

釋氏

潞河李玉茶雲屋編輯

道濟一名原濟字石濤號大滌子又號苦瓜和尚瞻尊者清湘陳人清湘遺人清湘老人勝國楚藩後人工山水竹蘭花木脫盡窠臼兼隸書王筆推為第一作手余藏有設色畫張僧繇訪友圖長幀長丈許寬僅九寸樹色山光青紫絢爛而筆意奇矯風神灑落直前無古人後無來者行書長識末語云癸卯秋日客邦上吳山亭喜雨作畫是一快事不愧此紙數百年物舊藏吳門鄒氏鈐有藏印為無上妙品餘見不具錄焉正岳字豁堂號菽庵一號藕漁又號耦餘晚號南屏隱叟俗姓徐名繼思浙江人和仁感時為僧主常熟三峰方長工山水直接踵於宋元諸家著同凡集阜陰方尚書藏有設色山水大冊深得倪黃神韻蓋亦私淑奉常也



宏仁字漸江號梅花古衲安徽歙縣人俗姓江名韜字六奇勝國諸生山水師雲林新安畫家宗清閔益漸江導先路也江小雲觀察藏有設色山水大幀款署仿佛迂而筆繁墨煊兼具大癡蒼厚為精絕之作心泉上人藏有墨山水長卷筆意會萃元季諸家非僅學雲木首已宗巨然工詩曾於古肆見有墨山水大幀展軸則妄擬廉州審識之則山根隙中鈐有語石朱文印章無款識一時不能記憶俟攷悉聞歸馮展雲司寇矣失之交臂至今悵快

髡殘字白禿一字介邱號石溪一號篋壤又號殘道者菴住行人江蘇武陵人俗姓劉住金陵牛首山工山水好寫奇闢奧景誠元人之勝概全從蒲團中得來題識多寓興亡之感余藏有設色山水長幀長丈許寬盈尺老筆槎枿氣韻雄秀而與所藏石濤畫恰成對幀款署為袁居士

畫末語云癸卯於梅閉關養靜一年作此不覺於芙蓉峰合掌所見其畫甚多此為精絕

上睿字溥濬號目存又號蒲室子江蘇吳縣人山水得王翬指授花鳥得惲格真傳著餘習吟宜春字少司農藏有設色山水大幀幾與虞山兩家相並古肆見有設色三友圖大幀極似石田

達真字簡庵江蘇婁縣人俗姓楊受度超果寺工花鳥王鴻緒以其畫進呈仁廟稱為能品工詩沈揖甫比部藏有竹陰睡鳥圖立幀清雅工麗無疏筍氣習

寶源字三友號一泉又號梅花禪子江蘇青浦人張文敏公照構別業於橫雲山請其主之辛未南巡呈進梅花長卷嘉其縱橫不拘矩矱工詩張蓮生司馬藏有墨梅立幀惜絹本剝落存此以備一家

明中字大恒號徒虛一號嘯崖浙江桐鄉人俗姓施主南屏淨慈寺山水



得元人之氣韻高廟南巡三賜紫衣著焚虛詩鈔江小雲觀察藏有墨山水小卷筆意高古得吳歷用墨法

石莊號石頭和尚江蘇上元人祝髮於揚州桃花庵山水得古法喜結文字緣精鑑藏高懿伯駕部藏有墨山水紙本立幀用筆不多純以趣勝真覺字見心江蘇揚州人俗姓朱主文昌閣山水師錢叔寶江小雲觀察藏有仿李營邱山水立幀似沈石田別具會心

韻可字鐵舟號木石山人湖北武昌人主吳門李王廟工花卉竹蘭高華健爽迥出凡塵景劍泉閣學藏有設色花木大冊亦古亦豔葉有題識心泉上人藏有荷花大幀墨葉紅花愈濃愈雅

寄塵字衡麓湖南湘鄉人工書畫時與韻可稱南北和尚譚警齋農部藏有墨花卉卷極縱橫之妙幾步悞道人後塵古肆見有臨二王帖三則

### 短卷

相潤字琇琳號竹筭廣東南海人主海幢寺工詩畫著竹筭吟卷何伯瑜

處士藏有墨山水卷博太渾成儼似石濤行草題識

達受字六舟號小綠天庵僧浙江海甯人主滄浪亭大雲庵工篆隸鐫刻精攷證時呼金石僧家西園主人藏有隸書屏四幀

明明字髡殘號石船江蘇上元人俗姓艾工花卉人物湯貽汾雅重之居不二庵即工半十半畝園故址也李伯香上舍藏有設色瓶梅小幀頗具逸趣

量雲字蓮衣湖北武昌人主杭州天竺方丈工隸書程容伯光祿藏有隸書屏四幀



甌鉢羅室書畫過目攷附卷

道家

潞河李五茶筠塢編輯

張風一名觀字大風江蘇上元人少棄諸生肆力山水款署真香佛空或署昇仙道士著雙鏡亭詩鈔心泉上人藏有墨山水立幀用焦墨略似梅道人草書題五絕一首款署昇仙二字朱文觀字印章古肆見有墨筆紙本寬幀寫水墨石壁近樹數株傍立一人拄杖作遠眺狀筆極超逸行書五絕一首款二行

伊大麓字壽先號雲峰蘇州圓妙觀道士王玖弟子工山水心泉上人藏有墨山水立幀蒼勁有致王少廬司馬藏有仿唐畏臨各家山水冊款署末葉下角作於嘉慶元年

黃明薰字越塵廣東粵香山三元宮道士工山水精琴理黃秋史比部藏有墨筆白雲春曉圖卷雅合古法



趙蓮字浚洲號玉井道人浙江海鹽人棲真觀道士工寫梅一時知名士皆樂與交遊古肆見有墨梅立頓不入時妝亦逸品也

樊鎮俗名嗣曾字主實號竹師一號煮石山人順天通州人主白馬廟書法承旨工花果竹蘭精煉術年逾九十童顏鵬髮縱談無倦著來鶴山房詩集羣玉編余與其同里幼時尚親見之嘗以自選佳穎見貽書畫流傳甚夥雖曰變格殊少取法於古人頗存其名字可耳余藏有花果博古大橫幀畫於道光庚戌秋日後余生之一歲也

甌鉢羅室書畫過目攷附卷

名媛

通州李玉茶耘笑編輯

文倣字端容從簡女趙靈均室書畫得家法更工花鳥接武徐黃為國朝閨秀之冠李星甫署正藏有紫藤金魚絹本小卷尾有閣秀藩素心梁德繩等跋瑛蘭坡中丞藏有沒骨海棠白燕便面古肆見有設色秋花三種絹本長幀極風致嬋娟之妙

柳隱字如是號影憐一號蘼蕪金陵院中人本姓楊名因又名是工白描花卉博攷羣籍歸錢宗伯謙益稱河東君宗伯卒隱殉家難著西山唱和集家西園主人藏有墨筆鳳仙花紙本小幀雅逸絕倫脫化其跡顧眉字橫波號眉生一號眉莊又號智珠江蘇上元人龔鼎孳遙室竹蘭追馬守貞工山水通文史精音律著柳花閣詩集張樵楚少司農藏有墨竹蘭石紙本立幀款署一行宗伯題識兩行袁于令分書題七絕一



首

徐昭華字伊璧號蘭蕙浙江上虞人駱嘉采室毛希齡女弟子書畫宗管仲姬著徐都講詩附刻西河集張子和明府藏有臨十三行使面筆意清挺有洗紅軒藏印

黃媛介字皆令浙江秀水人楊士功室山水宗仲圭書法右軍著離詞湖上草景劍泉閣學藏有綠文竹赭石小幀毫無動人處恐非真蹟耳

馬荃字江香元馭女龔克和室親承家法一花一葉人爭寶之周經伯參軍藏有設色花卉絹本長卷亦摹徐黃妙手也

徐棨字湘蘋一字明深號紫簪江蘇吳縣人陳之遴室工花草士女擅詩文著拙政園集潘星齋少宰藏有珠菊絹本小幀筆意蒼楚而有士氣閨秀中無其匹

蔣倣字又文廷錫女王敬室寫生兼庭訓余家藏有設色老耄圖絹本立

幀無款識有又文朱文印章

陳書字

號上元弟子一號南樓老人浙江秀水人錢綸光室陳羣母

封太夫人工花鳥蟲魚山水屢邀宸鑑寶題錢氏多畫手皆出其門曾筌巢侍御藏有蛛網落花紙本小卷梁同書題跋又有秋柳飛鳥紙本立幀生動欲活古肆見有五色鳳仙花絹本立幀有高廟題識七行又淡著色楓樹雙鳥荆棘立石絹本小幀行楷題時款三行

趙昭字惠文號子惠文倣女馬班室工花卉竹蘭後入空門字德隱結庵西湖香林匿影二十年著侶雲居高德香亭筆政藏有竹蘭紙本小冊八葉郭尚先孫均跋識為入空門後作也

吳正肅字靜嫺江蘇江都人黃履岳室山水師沈周一洗纖弱之態王子貴農部藏有仿吳仲圭墨山水紙本立幀饒實力量

陳結璘字寶月江蘇常熟人瞿伯申室山水宗宋元工詩章若洲庶常藏



有摹各家山水紙本小冊筆意鬆秀儼為名作

毛秀慧字山輝江蘇太倉人王愔室夫嬾娛情畫理同此素心瑛蘭坡中丞藏有墨筆細皴山水便面雅潔可觀有黃小松觀印陳冠生殿撰藏有設色仿梅道人枯木竹石紙本立頓王愔書款鈐有山輝印章

汪漣字文水號文道人浙江仁和人華岳女弟子錢機室工山水花鳥得新羅之秘旨江小雲觀察藏有山水紙本小卷設色古悞南樓後所僅見者

金淑字慎史號純一浙江嘉善人沈錫章室家富收藏臨摹克肖者得樹樓集曾笙巢侍御藏有設色萱花墨竹紙本小幀專摹漢陽太守本頗得神似紙質細膩古色古香尤足珍襲之

楊瑞雲字麗卿號靜娥江蘇吳縣人汪昂姬工書畫有印癖能詩精篆刻得昂指授瑛蘭坡中丞藏有篆書九行使面

鮑詩字令暉浙江平湖人張錦雲室花卉宗白陽著舞鶴堂吾亦愛吾廬詩鈔古肆見有設色天中麗景圖紙本小幀

吳藻字蘋香號玉岑子浙江錢塘人精繪事工詞翰飲酒讀離騷益抱天壤玉郎之恨著花影簾詞家西園主人藏有女史集錦冊內附小楷借酒券一紙款署玉岑子名印一方

鍾若玉字文貞號元圃江蘇崑山人周官至寫梅師金農書法右軍文宗韓柳張聽庵觀察藏有墨梅紙本長卷行書題七古一篇洗盡閨房兒女情緒筆下具有金石氣耳

曹秀貞字墨琴安徽休甯人曹銳女王芑孫室宮寫梅書法率更著寫梅軒詩鈔家西園主人藏有墨梅橫冊八葉王芑孫楷書題識二葉又於古肆見有楷書古文鈔本王芑孫行書批抹

方婉儀字儀子號白蓮居士安徽歙縣人羅聘室工梅菊得荒寒意著白



蓮半格詩學陸集景劍泉閣學藏有墨菊紙本立幀羅聘補竹石洪範  
張頊趙懷玉題識

王玉燕字玳梁文治女孫書有祖風工梅蘭水仙瑛蘭坡中丞藏有墨筆  
梅花水仙便面頗有逸趣夢樓題五絕於左

憚懷娥字紉蘭壽平曾孫女曹恒室花卉精雅妹懷英號蘭陵女史呂光  
亨室花卉韶秀同秉家法古肆見有合作設色歲朝圖絹本立幀娥小  
楷書款一行英題小楷五絕一首

棟鄂夫人字如亭滿洲正白旗人鐵保室行草宗二王擅古文瑛蘭坡中  
丞藏有草書紙本短屏四幀如錐畫沙工深力敵真鬚眉氣也又墨竹  
便面筆意剛勁殊少餘姿非所擅長者

吳申字蕙姬安徽歙縣人錢東室工花卉著雙梧小草許仲政廉訪藏有  
設色夾竹桃立幀綽約可人玉魚生題一翦梅一闕

錢琳字玉林同邑汪瑚室從兄東學花卉從兄杜為山水均楚楚有致集  
閨秀於西湖寶石山莊為畫會陳葆珊觀察藏有兄妹合作設色歲寒  
三友圖紙本直幀錢東書款四行琳杜各鈐印章兩方足稱三妙

畢慧字智珠號蓮汀畢浣女陳覲光室工詩畫著遠香閣詩草張子和比  
部藏有設色菊花小幀有南田之風焉

顧韶字螺峰顧洛女吳賢室花卉士女得家傳周蕙生太史藏有垂釣士  
女紙本立幀岸前桃柳有明媚姿古肆見有洛神便面亦白描妙手陳  
昔凡刺史藏有用硬色花卉便面妍雅可人

管筠字湘玉號靜初浙江錢塘人陳文述筮室性悅禪工寫佛著小鷗波  
館集張仰山處士藏有大士像紙本立幀陳鴻壽敬記畫氏歲月小行  
楷四行

薩克達氏字介文號觀生閣主人滿洲正白旗人英和室瑛寶女弟子得



其指法工詩古文宜春宇少司農藏有遷喬圖立幀款署蓮波觀察陳詩庭孝廉藏有山水花木禽魚大冊英和瑛寶各題識古肆見有落花蝴蝶作團飛立幀栩栩然有仙致又設色富貴平安圖大幀英和題九行張問陶陳用光各題七首

董晚貞字蓉湖號雙湖同邑湯貽汾室工寫梅家西園主人藏有墨梅紙本小幀貞愍公題浪淘沙一闋女湯嘉名字碧生王玉璋子媳詩詞秉父教花草得母傳余藏有菊花小幀設色淡雅有大家風格媳金佩芬字芷香浙江錢塘人湯琳名室工白描士女古肆見有散花天女便面憚珠字珍浦江蘇武進人憚格後裔滿洲廷潞室麟慶母工詩畫著紅香館詩集蘭閨寶錄孫小山分轉藏墨桃花紙本小幀時款三行筆意雅潔

程景鳳字侶仙同邑彭蘊燦篋室刺繡於春暉樓見家藏名蹟描寫輒佳

尤於南樓酷肖曾笙巢侍御藏有臨歐香紫薇小幀秀麗動人素心女史題七絕一首

蔣薇字琴香一字錦秋號石溪漁婦江西東鄉人吳嵩梁室工山水著琴香閣詩箋曾笙巢侍御藏有墨山水立幀蒼楚有致

王素雯字雲仙湖北孝感人蕭道藩室工書著綠窗吟稿駢蘭閣藏有菩提葉書蠅頭楷詩冊嫁箱物也

許淑慧字定生江蘇青浦人鄭潮室工花卉出自家傳許樸齋太守藏有設色園景紙本立幀筆意雅秀惜張法太減耳

方若薇字仲惠安徽桐城人勤襄公女汪元炳室工詩畫篆刻一時名人印章多出其手鐫古肆見有篆書紙本小幀摹秦境銘二十八字時款二行頗似王良常

岳筠字綠春山西文水人吳嵩梁篋室工畫蘭好吟詠瑛蘭坡中丞藏有



蘭箭便面無款識鈐聽香館畫記小印或即其人歟

韓吉階字蘭修浙江山陰人賀長齡室工花卉鍾六英太僕藏有設色梅花絹本小幀亦覺雅緻

汪延慶字曉芸安徽歙縣人山水師文董王少廬司馬藏有設色雲山深遠圖小卷時欵道光甲辰仿董尚書法筆意工整

徐寶篆字湘雯同邑李脩易室夫嬾娛情畫理尤工士女駢蘭閣藏有插菊士女絹本立幀頗有古法亦嫁箱物也

金蕊字穗卿號竺香沈起鯨女查作舟室山水得父教工小楷著繡麟樓稿景劍泉閣學藏有設色山水紙本小冊八葉

顧蕙字晚芳號紉秋江蘇吳縣人翟繼昌女甥畫出其門工山水花卉潘鄭盦大司空藏有設色椿萱並壽圖紙本立幀無纖弱習儼然其舅氏所畫

陸蕙字璞卿同邑張澹繼室工詩畫得夫指授唱隨之樂一時稱羨古肆見有墨山水立幀僅鈐璞卿朱文印不若閨秀筆也

朱晚芳字蘭貞同邑葉恆室善臨摹古蹟寫生明艷得古法吳曉瞻司馬藏有絹本設色花卉小卷中有蜀葵一本尤為娟妙

黃韞生字蘭初江蘇華亭人馮有光室工花木能詩著夕琴樓詩張子和比部藏有墨筆醮醮便面天真古淡

錢璞字壽之號蓮因江蘇昭文人張騏室花草師改琦著耦耕硯館小題襟館諸集景劍泉閣學藏有設色花卉紙本小冊筆意雅秀每葉騎題五絕一首余曾借觀鈐有過眼小印

張玉字子美江蘇吳縣人汪鏞繼室工行楷善作擘窠書周符農少司農藏有行書四行紙本大幀得平原魄力

焦氏字禮堂奉天蓋平人王履亨室工隸書詰嗣少廬司馬藏有臨漢鏡



附卷  
銘大隕意近桂馥古拙動人

鍾惠珠字心如同邑張熊室工梅竹花卉劉榕棲侍御藏有梅花立隕得  
罷聘意胡逸沈銛各題七絕一首張熊識語五行

項保艾字洛鈿浙江仁和人景梁曾子婦畫得翁傳少寡年八十猶以畫  
自給程仲立太守藏有設色九秋圖無款有印

焦學漪字唵雅號梅東弟子晚號九溪十八硯老婦景桓閣老人山東德  
州人程恭壽繼室工花卉年逾八十弄筆不倦余藏有蜀葵梳支立幀  
程恭壽題識四行惜暮年賦色較滯且多其孫輩書款藏其畫以有夫  
題為佳製可傳也

甌鉢羅室書畫過目攷附卷終

駢蘭閣參攷男元振校字刊本

均丈擅名鑒賞形端性淡最篤友誼與先通奉公訂金石交結翰墨緣  
實深敬之此編積卅年眼福網羅繁富攷定精詳釐為四卷藏諸行篋南  
至珠江北至遼海未輕示人長公桂橈齋尹需次維揚瀕行鈔錄付小子  
任剗剗因循囊溢久之景星階師同存此願促償夙諾公諸同好今年秋  
桂橈寄貲以勞手民閱三月而書成校勘麓竟率附數言於後誌愧誌喜  
藉報桂橈之囑託並呈

均丈聊或展帙開顏幸不唾以草草從事耳皆

光緒丁酉陽生之月鐵嶺姻如姪濟斌謹識



歐鉢羅室書畫過目攷目錄卷一

古潞李玉茶均湖編輯

惲向

王時敏

王猷定

丁雲鵬

鄒之麟

許儀

朱奔

顧苓

劉象先

楊補

陳洪綬字

俞時篤

傅山眉

宋曹

彭行先

宋珏

王時翼

盛丹琳

王鐸

祁豸佳

龔鼎孳

萬壽祺

紀映鍾

邵彌

張珂

魯得之

吳偉業暲

孫承澤

程正揆

徐樹丕

查士標何文煌

孫克宏

張宏

丁元公

陳岷

龔賢

胡造

吳宏

薛雪鱗

顧夢游



趙 回

金俊明 侃

查繼佐

張學曾

褚廷瑄

文從簡

歸 莊

項聖謨 玉筍

吳士旦

周 荃

顧炎武

湯燕生

王 鑑

戴明說

唐禹昭

陳之遴

吳山濤

蕭雲從

孫 逸

方以智

冒 襄

張 弼

徐 枋 柯

顧見龍

張孝思

李 藩 陳尹

沈 顥

楊 涵

戴本孝

汪 挺

杜立德

梁清標

王崇簡 崇節

呂 潛

周亮工 在浚

惲 格 章紳

吳 歷 王者佐 王 暉 晴

姜實節

文 枬

袁于令

鄭 簾

程 邃

王 雲 斌

陳 梁

許 箕

王 撰

朱用純

王 武 會張畫 姜廷幹 朱 嵩

朱彝尊 彝鑑 稻孫

畢述宏

黃 雲

吳之振

項 奎

嚴繩孫 泓曾

趙 澄

張在辛

蔡 遠

盛 遠

諸 昇

金造士

赫 弈

汪 野

汪文柏

范 驥

高 簡

俞 琨

徐 蘭

毛宗文

顧文淵

俞 懷

顧 昉

徐 方



甌鉢羅室書畫過目攷卷一

古潞李玉茶均湖編輯

惲向原名本生字道生號香山江蘇武進人明季舉孝廉方正授中書不就工山水得倪黃之神解著畫旨景劍泉閣學藏有墨山水小卷禿筆細寫形如草篆為暮年惜墨如金所作家西園主人藏有仿山樵墨山水紙本短幀層巒叢樹氣韻超然其精彩處未肯多讓元季諸家也王時敏字遜之號煙客又號西廬晚號西田江蘇太倉人錫爵孫王衡子廕生官太常寺卿兵後隱歸村山水得大花神化為清朝第一家工篆隸著西田集阜蔭方尚書藏有雪景山水紙本小卷篆書歸邨雪霽四字款署擬李晞古關山雪霽圖意識語四行高曠奇情全從力行苦心得來卷首文從簡題歸村雪霽圖查慎行觀款曾筮巢侍御藏有墨山水大幀作年八十五歲又淺絳山水大幀畫於康熙壬子秋日晚年精



力盡矣胡小琢明府藏有墨山水大幀題云人家在仙掌雲氣欲生衣  
丙辰夏日畫詩堂內界烏絲阮元跋識款署樂山別駕邊際汪昉跋識  
心泉上人藏有沒骨山水立幀款署戊寅春日仿李昇法用重色而虛  
靈益臻神化盧紹堂比部藏有仿郭河陽樹色平遠圖小卷用墨濃厚  
筆鋒漏骨畢沅跋尾李梅卿比部藏有墨筆溪山勝趣圖長卷行書七  
絕一首名款共九行八十一歲作卷尾朱彝尊彭孫適汪士鋐跋識余  
藏有墨筆仿洪谷子便面時款己丑夏日太常畫真本特罕此皆紙本  
如新尤為難得也

王猷定字于一號軫石江西南昌人明貢生書法李北海擅古文甲申後  
客死西湖著四照堂集景劍泉閣學藏有大行楷五行直幀力透紙背  
如龍搏虎躍不可控御宇宙有戴植藏印

丁雲鵬字南羽號聖華居士安徽休甯人王白描為第一作手供奉內廷  
景劍泉閣學藏有白描花卉長卷用筆如游絲道勁生活名人題詠甚  
夥惜未記其人又於羊城長壽寺見有大迦葉尊者像長幀邊際馮敏  
昌觀款吳榮光小楷敬跋二十行道光二十年四月重裝何紹基跋七  
行記捐貲善士名於邊左

鄒之麟晚名逸麟字臣虎號昧庵又號我白山人自稱逸老江蘇武進人  
萬歷庚戌進士官吏部主事兵後肆力山水多蓄商周古器晉唐名帖  
以翰墨自娛常花伯上舍藏有墨筆殘冊二葉一仿巨師一摹子久用  
筆圓健落墨不多卓然大雅世傳其畫甚少真所謂吉光片羽也

許儀字子韶一字歇公號鶴槎又號鶴影子江蘇金匱人明副貢生官中  
書工篆籀花鳥取法宋人窮極工麗著鶴槎詩稿曾笙巢侍御藏有桃  
花翠羽立幀筆意妍雅色澤生活昔人評其畫花能香畫鳥能聲此作  
庶不愧乎



朱奪字個山一字个山號雪個一號雪个故石城府王孫鼎革後自號八  
大山人書畫獨出新奇不拘矩矱漢瓜農孝廉藏有墨筆山水花木禽  
魚大冊十八葉祇可擬以化工耳

顧苓字云美江蘇吳縣人工隸篆精攷證著增影園稿趙撫叔明府藏有  
四行隸書長幀邊右阮元觀款一行

劉象先字今度江蘇上元人工草書心泉上人藏有草書綾本大幀筆意  
凝鍊有錐沙之妙

楊補字無補號白補一號古農江蘇長洲人明諸生隱鄧尉山工寫梅陳  
葆珊觀察藏有墨梅大幀款署仿王元章七絕一首

陳洪綬字章侯號老蓮一號蓮子晚號悔遲更號弗遲又號雲門僧九品  
蓮臺主者浙江諸暨人明國子生書法道勁山水花木無時習人物得  
古法淵雅靜穆如見古衣冠允為人物宗工與崔道母稱南陳北崔心

泉上人藏有葛洪移家圖大幀款署丙戌春畫時寫葛洪移家圖贈有  
道者翁叔平大司空藏有墨筆人物山水花木冊時史氣習洗滌悉盡  
張樵塾尚書藏有絹本設色百蝶長卷古肆見有絹本壽者仙人大幀  
衣褶內皆佛像寫如草篆時款戊寅余藏有壽者相立幀如書中之鐵  
畫銀鈎也子字字無名號小蓮工花木潘蓮舫太常藏有設色花籃大  
幀僅取穠湛過形板重既秉家法必有妙本傳焉

俞時篤字企延號近蘇浙江錢唐人明諸生工書程仲立太守藏有行楷  
金牋立幀意在趙董之間

傅山字真山一字齊廬號青主一號青竹又號公之它山西太原人薦鴻  
博授中書年已七十餘不就仕工篆隸行草山水蘭竹俱具天真註書  
精醫著霜紅龕集吳子復太守藏有絹本墨竹蘭大屏八幀楊少初太  
守藏有墨山水立幀骨格權奇邱壑深邃乃浸淫卷軸又行楷金箋立



慎得晉人意子眉字壽髦號竹嶺紹家法心泉上人藏有墨松石長幀極筆端之狡獪

宋曹字彬臣一字邠臣號射陵江蘇鹽城人明中書清朝舉山林隱逸薦鴻博不就試工書張仲庚上舍藏有行書朝鮮牋大卷法魯公而筆意飄然自放胸臆

彭行先字務敏一字貽令號竺里江蘇長洲人明貢生清朝授知縣不就選書宗晉人孫壽門上舍藏有行楷詩冊雋妙可人

宋珏字比玉號荔支仙福建莆田人工隸書寫山水能脫氣習曾筮巢侍御藏有墨山水小卷清而神腴簡而意足隸書七絕一首名款一行真士夫雅構也

王時翼字又溟時敏族弟山水人物變家法盡適勁姿吳子復太守藏有弄璋圖絹本大幀近崔青蚓而略工焉

盛丹字伯含江蘇上元人肩昌子山水師子久花木法包山家西園主人藏有設色仿大癡天台石壁圖大幀氣象雄渾與古有會弟琳字林玉得其要旨周荇農少司農藏有墨山水卷意致瀟灑有林下風

王鐸字覺斯一字覺之號十樵又號癡僊道人河南孟津人天啟壬戌翰林清朝官大學士謚文安書宗晉魏沉宏險勁工花木山水竹石皆用書中關鈕錐沙印泥刻擬山園帖潘蓮舫光祿藏有草書小卷已勒入海山仙館帖中瑛蘭坡中丞藏有楷書便面風味逼人何仲博農部藏有枯木竹石小卷淡致不枯生辣而秀款署癸未冬日鐸五字易祖杖跋尾七行

祁彥佳字止祥號雪飄浙江山陰人天啟丁卯舉人官吏部司務鼎革後隱梅市工花卉山水古肆見有設色花卉絹本直幀

龔鼎孳字孝升號芝麓安徽合肥人崇禎戊辰翰林清朝官刑部尚書謚



端毅工詩詞書畫著定山堂集高懿伯駕部藏有小行楷錄舊作詩冊  
脫去楷習別饒趣旨

萬壽祺字年少號沙門壽慧明志道人江蘇徐州人崇禎庚午舉人甲申  
後隱吳門工白描人物花卉精篆隸鐫刻著隰西堂內景諸集李梅卿  
比部藏有白描水仙長卷負出塵紛殆仙品也景劍泉閣學藏有採芝  
士女立幀得靜女幽閒之態古肆見有墨山水金箋立幀下筆有風舒  
雲卷之勢極此唐人風骨

紀映鍾字伯紫一字藥子號蕙叟江蘇上元人與龔孳友善僑寓揚州自  
稱鍾山逸老工書能詩著真冷堂詩稿李伯雨駕部藏有行楷詩冊模  
範鍾王自得逸趣蓋由人品孤高也

邵彌字僧彌以字行號瓜疇江蘇長洲人書法褚虞畫宗宋元吳偉業作  
畫中九友歌紀之甲申後存者王時敏王鑑張學曾及僧彌也瑛蘭坡

中丞藏有設色山水便面深得黃子久神奧張樵楚少司農藏有水仙  
立幀款署洛浦幽芳仿趙子固雙鈎本以雙鈎寫花葉焦墨畫石一段  
清淑之氣浮動楮間

張珂字玉可號梅雪又號碧山小癡江蘇常熟人山水法子久王翬出其  
門張朗山大理藏有仿子久設色春林列岫圖絹本卷盡六法之精微  
工整綿密羅天池跋尾三行

魯得之字孔孫號千巖浙江錢唐人李日華弟子書法歐顏工寫竹晚用  
左腕范星階明府藏有絹本墨竹大幀風枝露葉有兔起鶻落之勢行  
書七絕一首時款二行為中年勁秀筆也

吳偉業字駿公號梅邨江蘇太倉人崇禎辛未榜眼官司業清朝遷祭酒  
工山水書法坡公與董宗伯王奉常諸畫家友善作畫中九友歌紀之  
詩名滿區宇著梅邨詩集心泉長老藏有墨山水立幀筆意會萃元諸



家別具嫩逸之趣當在思翁煙老之間李檀園程松圓尚有避舍處何况餘子惜為詩名所掩流傳頗罕長老以余見稱意肯割愛適余祭掃鄉間隔日往索已為識者攫去交臂之失至今悵快古肆見有絹本設色仿北苑雲山大幀靈石楊氏舊藏雖為真蹟油污不堪難入珍秘耳子暲字元朗號西齋康熙戊辰進士官給事中工詩翰著西齋集瑛蘭坡中丞藏有小行楷錄自詩便面頗覺自然大雅

孫承澤字耳伯一字北海號退谷順天大興人崇禎辛未進士官給事中清朝官左都御史鑑定攷證為第一家著九州山水攷間者軒帖攷庚子銷夏記研山齋集心泉上人藏有小行書懷人詩冊率有別致蓋攷核名家未可以字求之也

程正揆初名葵字端伯號鞠陵又號青溪道人湖北孝感人董其昌弟子崇禎辛未翰林清朝官工部侍郎書法李北海山水專尚清挺略參石

田余藏有設色秋林晚眺圖大幀趨向極高筆意灑落江小雲觀察藏有山水長卷合數段而在一幅氣骨高老純具卷軸膏腴為暮年所作徐樹丕字武子號塙東居士江蘇長洲人明諸生工隸楷著中興綱目識心泉上人藏有宋搨雲麾碑有其隸書跋三葉歸馮展雲中丞瑛蘭坡中丞藏有小楷金牋便面純法鍾元常

查士標字二瞻號梅壑因與董其昌同干支自號後乙卯生江蘇海陽人書兼米董山水法元人別具蹊逕著種書堂遺稿余家藏有綾本墨山水大屏十二幀各摹一家清疏淡逸昔麓臺謂其畫曰生能由生處致勝益見天資過人心泉上人藏有雲山縹緲圖大卷彙萃北苑南宮筆酣墨飽元氣淋漓張今坡觀察藏有設色山水大幀極似石田弟子何文煌字昭夏號竹坡同邑人增芝田觀察藏有墨竹石大幀亦雅作也孫克宏字允執號雪居江蘇華亭人承恩子廕生官湖北漢陽知府山水



師馬遠花鳥宗趙昌工蘭竹吳子復太守藏有設色石竹秋葵子母  
雞長卷脫胎五代絹素如銀版光潔細膩令人神往心泉上人藏有設  
色蟾桂圖立幀儼似宋人手筆

張宏字君度號鶴澗江蘇吳縣人山水法北宗極峭勁花鳥師元人多秀  
麗家西園主人藏有仿焦榮雪蓬圖卷慈海上人藏有梧陰清憩圖大  
幀擬元人靜逸一派張聽庵觀察藏有設色蟾蜍石榴絹本立幀用重  
色而不滯花葉稠疊各具情致

丁元公字元躬浙江嘉興人工書畫精繆篆晚年為僧名淨伊字願庵更  
寫佛心泉上人藏有墨鈎大士像立幀衣褶清挺如草篆余曾擬以供  
奉百拜未許景劍泉閣學藏有墨蘭石小幀筆意飄然墨采騰發草書

題款三行

陳岷字山民江蘇常熟人程嘉燧弟子山水蘭竹得林下風人物尤覺疏

雅善琴曲工詩詞張朗山大理藏有墨蘭竹石立幀有元人丰緻行書  
七絕一首時款一行

龔賢字豈賢號半畝一號半千又號野遺晚號柴丈人江蘇崑山人為金  
陵八家之一山水宗北苑擅焦墨著畫訣香葉草堂等編家西園主人  
藏有墨筆江干獨釣圖金牋立幀愈濃厚愈見骨采余藏有墨山水大  
幀款署一翁社長仿北苑最為靈傑世傳有墨無筆者概皆贗鼎也

胡造字石公江蘇上元人工詩畫與龔賢為金陵八家吳子復太守藏有  
設色菊花小卷長僅三尺畫香豔之妙

吳宏字遠度江西金溪人僑寓上元同為金陵八家畫宗宋元瑛蘭坡中  
丞藏有墨山水便面筆意縱橫無瑣屑態

薛雪字生白號一瓢山西太原人文徵明甥家有掃葉山莊稱掃葉道人  
又號槐雲道人磨劍道人書法東坡擅竹蘭精醫著掃葉山莊集阜陰



方尚書藏有臨蘇黃尺牘帖卷筋肉相並孫鱗字壽魚工花鳥增芝田  
觀察藏有墨松鶴大幀筆意矯矯

顧夢游字與治江蘇上元人明貢生兵後不試工詩古文善行草晚年以  
書自給章若洲庶常藏有行書卷得晉人法手眼俱空不屑拘於摹擬  
感時之書往往流露行間也

趙回字洞如江蘇華亭人趙左弟子畫得其傳張子和明府藏有設色山  
水卷雖多秀色而略形甜熟或非其佳者

金俊明原名袞字孝章一字九章號耿庵晚號不寐道人江蘇吳縣人明  
諸生寫梅有古意書法二王私謚貞孝先生著春草間房集心泉上人  
藏有金牋畫梅冊純法院體粉膩有骨子侃字亦陶號立庵傳其法古  
肆見有仿趙大年青綠山水立幀

查繼佐字伊璜號東山又號與齋晚號釣叟或隱姓名為左尹浙江海甯  
人崇禎癸酉舉人甲申後家居極文酒聲伎之樂因吳六奇事將士銓  
製雪中人傳奇書法坡公山水宗于久晚年專寫梅著釣業詩稿敬修  
堂集落葉編遠道編先甲後甲集德硯香明府藏有綾本墨梅卷瑛寶  
英和汲修主人三跋家西園主人藏有行書尺牘三通梁同書跋三行  
張學曾字爾唯號約庵浙江山陰人崇禎癸酉副貢生授中書清朝官江  
蘇蘇州知府書法坡公山水宗北苑景劍泉閣學藏有設色山水紙本  
小卷縝密蒼潤具大癡神韻孫爾準跋語極矜重瑛蘭坡中丞藏有設  
色山水便面楷書七絕一首韶秀清疏造微入妙幾並廉州

褚廷琯字硯耘浙江嘉興人崇禎癸酉舉人兵後不試工行草書唐蘧舫  
上舍藏有臨十七帖綾本卷阮元觀款一行

文從簡字彥可號枕霞老人江蘇長洲人徵明曾孫崇禎癸酉拔貢生四  
舉鄉飲大賓書宗李北海畫承家學余家藏有設色赤壁圖小卷水色



山光輕靈動目使人欲置身畫裏陳詩庭孝廉藏有墨山水金牋便面兼工帶寫作年七十三歲

歸莊初名祚明字元恭號恒軒江蘇崑山人昌世子與顧炎武友善有歸奇顧怪之目工草書著懸弓集萬古愁傳奇論者稱為離騷天問一種手筆古肆見有行草懷人詩綾本立幀筆法遒勁氣味高逸定為明末人書款署元恭二字鈴以鼎式印章極古雅而文模糊莫辨或即其人歟項聖謨字孔彰號易庵一號子毗又號胥山樵蓮塘居士松濤散仙煙雨樓邊釣鼈客浙江秀水人元汴孫樹石屋宇與宋人血戰山水具元人氣韻花木松竹均有逸致著朗山堂清河草堂諸集余藏有紙本紅樹秋山尺幀深邃穠湛純仿宋人不蹈元諸家一點一拂小楷題云前年未了傷春事去歲悲秋哭不休血淚灑成林葉醉至今難寫一腔愁末署用甲申乙酉事心泉上人藏有墨松巨幀深秀淋漓如聞畫裏濤聲

款署戊子夏六月松濤散仙寫於朗山堂中古肆見有墨筆山水花草大冊八葉皆擬元人意又仿馬文璧五松圖大幀子玉筍字雪嶺紹其傳慈海上人藏有墨蘭石立幀秀發動人

吳士旦字託園浙江海鹽人工書余家藏有綾本行書屏四幀得晉人風味乃祖物流傳竟為族人所棄物理無常世守之難也

周荃字靜香號花溪老人江蘇長洲人大兵南下首先嚮道官山東糧道工小楷兼寫山水禽魚能盡物趣古肆見有寸楷心經卷得永興意鈴有齊魯觀察印畫本惜未過目焉

顧炎武初名絳字甯人號亭林江蘇崑山人講求經世之學薦授兵部主事舉鴻博不就試書法魯公著金石文字記攷古錄韻譜等集陶曼生太守曾以紅豆樹館所收顏氏家藏尺牘冊出觀有其行楷尺牘數通備所未見不勝欣幸



湯燕生字元翼號巖夫安徽太平人工書擅古文詩賦名振一時著商歌集景劍泉閣學藏有小行楷錄自作古文五十篇筆意秀勁一氣呵成中間有四行旁改無款識鈐名號印章三方

王鑑字元照一字圓照號湘碧又號染香庵主江蘇太倉人世貞孫崇禎癸酉舉人兼祖廕官廣東廉州知府山水深詣董巨家富收藏臨摹益萃著染香庵集按湘碧居四王中耕煙麓臺各有未逮處誠繼往開來之功業焉余藏有墨筆天香書屋圖紙本大幀純仿巨師皴染工細清氣盎然又青綠山水紙本立幀近山一抹平列介子點夾葉樹十三株山坳樹隙皆雙鈎文竹茆亭一座二鶴立階前款署擬趙鷗波法哩庵道兄經訓堂舊物景劍泉閣學藏有墨山水紙本長幀款署己卯小春畫於虎邱山房領取神韻真能釋躁平矜潘蓮舫光祿藏有麓筆仿巨師立幀運筆出鋒點墨皆凸晚造最精時款戊申冬日心泉上人藏有

微著色山水紙本大幀款署癸卯夏日畫祝元老年親翁雙壽又墨筆仿雲林立幀意極綿密張樵楚尚書藏有設色仿山樵紙本立幀真斬斬截之作許樸齋太守藏有仿趙大年春景絹本立幀柳煙桃浪風景逼真王金珊農部藏有沒骨山水紙本小幀款署庚子冬日素老道長兄家西園主人藏有仿洪谷子設色紙本大卷疏密奇正純以篆法寫輪廓此等畫耕煙所未逮作年七十四歲畢瀧跋尾又王文治跋張今坡觀察藏有設色仿范華原紙本大幀行楷長題時款辛亥亦晚年作古肆見有墨筆仿巨僧紙本大卷骨重氣清邱壑深邃無一筆無來歷足為百世法款署乙卯夏日作年七十八歲又墨筆仿子久秋林山色圖直幀時款甲寅清和望日家芝階太守藏有紙本墨筆摹沈石田仿董源秋山圖長幀時款丙申云云

戴明說字道默號崖犖直隸滄州人崇禎甲戌進士清朝官禮部尚書山



水梅竹宗仲圭家西園主人藏有墨竹大幀雄獷峻偉為蕉林相國款  
瑛蘭坡中丞藏有山水便面墨濃不滯筆麓不俗自是馬夏的派後有  
同邑張賜甯蓋宗之也

唐禹昭字雲客號半園江蘇武進人崇禎丙子舉人工詩畫與惲格為石  
交著半園鈔心泉上人藏有墨竹石小幀淡逸飄舉胸無些塵筆有妙  
法世傳其畫罕幾等廣陵散矣

陳之遴字彥升號素庵浙江海甯人崇禎丁丑榜眼清朝官大學士書近  
思翁後謫戍釋歸著旋吉堂詩浮雲集家西園主人藏有臨洛神賦長  
卷為其淑配紫管夫人書極丰姿秀潤

吳山濤字岱觀號塞翁安徽歙縣人崇禎己卯舉人官陝西同谷知縣被  
誣去官工詩書畫著塞翁集吳子復太守藏有墨山水大卷蕭然淡遠  
深似查二瞻逸品也

蕭雲從字尺木號無悶道人安徽蕪湖人崇禎己卯副貢山水宗元人  
間寫花木人物所畫太白樓壁最著名著梅花堂遺稿陳星垣儀部藏  
有墨山水長卷滿幅純用鈎勒不見墨點清刻雋妙全出性靈耆少峰  
觀察藏有墨筆小冊八葉中有墨柳一葉獅林一角一葉仿子久秋山  
圖一葉尤推傑作家芝階太守藏有青綠山水紙本長卷其間人物獸  
馬無數七十歲作自題後湯燕生行書跋一段

孫逸字無逸號疏林安徽蕪湖人畫宗子久與蕭雲從齊名瑛蘭坡中丞  
藏有墨山水小卷筆意清刻氣味蕭疏

方以智字密之號鹿起安徽桐城人孔炤子崇禎庚辰翰林授檢討博學  
工詩著通雅堂等集晚年為僧名宏智字無可號墨歷又號藥地和尚  
著浮山全集心泉上人藏有墨山水大橫冊一葉純用禿皴不求形似  
真白描高手款署戊子冬日一行張樵楚少司農藏有墨筆枯木立石



紙本大幀以枯淡之筆而發秀逸之氣行書署款三行是真無上逸品  
冒襄字辟疆號巢民一號樸庵江蘇如皋人崇禎壬午副貢生官浙江台  
州知府未就任家風豐裕獲交皆名士詩酒自娛書法晉人著同人集  
水繪園小三吾諸集家西園主人藏有行書金牋冊十葉意近王鐸風  
味過之余藏有綾本行書懷人詩立幀書味盎然逼真才子筆也  
張弼字力臣號亟齋江蘇山陽人棄諸生以書畫自給精心六書之學顧  
炎武最為折服尤擅研究金石著瘞鶴銘辨瑛蘭坡中丞藏有行書便  
面惜未獲觀畫本也

徐枋字昭法號澗上又號秦餘山人雪牀庵主人江蘇吳縣人崇禎壬午  
舉人書法二王山水宗荆關兼工花木夙以孝稱著侯齋集居易堂集  
二十一史文彙潘星齋少宰藏有墨筆深山讀易圖紙本大幀禿筆細  
皴平遠險易布置深邃家西園主人藏有墨筆羣仙拱壽圖花木大幀

用筆古健極有鋒稜弟柯字貫時號東海得其法居二株園為詩畫會  
著一老庵集姚仲海農部藏有自寫二株園第二圖卷長約三尺一時  
題詠凡九段惜出觀時為俗子敗意僅記末有潘奕雋跋一段

顧見龍字雲程號雲臣江蘇太倉人工人物寫照祇候內廷周蒼生太史  
藏有文姬歸漢圖絹本大橫幅固非虎頭再生堪與十洲割席王蓮西  
通副藏有絹本祕戲圖大冊界畫工整點綴高華純宋院體後葉有鬢  
髻持老人題詞兩闕津門查氏舊物也

張孝思字則之號懶逸江蘇丹徒人善書工寫蘭卉精鑑賞家有培風閣  
收藏甚富時以張丑比之心泉上人藏有墨蘭石小卷款署沂公發秀  
逸於胸中攄卷軸於腕下蓋天資也

李藩字介人江蘇華亭人古肆見有絹本弄璋叶吉圖直幀筆意工整而  
少卷軸氣弟子陳尹字莘野號雲樵同邑人傳其法王原祁評其畫云



前無實父後無章侯堪入神品馮展雲少司寇藏有桃柳鞦韆士女大  
幀明媚秀麗實出蓋也

沈顥字朗倩號石天江蘇吳縣人工山水著枕歌焚硯諸集心泉上人藏  
有仿倪迂水墨洞天一品圖立幀曹垓題七絕一首

楊涵字水心山東益都人寫竹入神品王士禎極重之王少廬司馬藏有  
墨竹大冊古勁沖淡自成別派張元縻題識

戴本孝字務梅號鷹阿山樵又號前休子安徽知州人山水法元人擅枯  
筆心泉上人藏有黃山雲海圖小卷山樹模糊意境深邃吳子復太守

藏有墨山水直冊枯筆高曠當於品外求之楊天璧羅天池兩跋  
汪挺字無上號爾陶浙江嘉興人崇禎癸未進士官工部主事書法率更

尤工小楷著會城遺稿瑛蘭坡中丞藏有小楷金牋便面心泉上人藏  
有寸楷幽風詩倭牋冊意極清挺

杜立德字純一順天寶坻人崇禎癸未翰林清朝官大學士謚文端書法  
魯公韓岳生司訓藏有小楷詩冊絕似麻姑仙壇記

梁清標字玉立又字棠村號蕉林又號蒼巖直隸真定人崇禎癸未翰林  
官刑部尚書清朝官大學士工書收藏甲天下摹勒秋碧堂法帖著蕉

林詩詞集家西園主人藏有小行楷粉牋冊錄詞十一闕秀潤翩翩的  
富貴人筆

王崇簡字敬哉順天宛平人崇禎癸未翰林清朝官吏部尚書謚文貞山  
水宗房山著青箱堂集瑛蘭坡中丞藏有墨山水便面款署丙申夏日

擬方方壺筆似孟老年道兄意極高雅兼得北苑墨法弟崇節字玉筠  
號筠侶以武舉官興州衛守備告休以畫供奉內廷工山水人物禽魚

余家藏有絹本人物大幀隸書題百福駢臻為奉勅作筆意妍整乃畫  
家臺閣體也



卷一  
十三  
呂潛字孔昭號半隱一號石山農四川遂甯人僑寓揚州崇禎癸未進士  
甲申後隱於畫工花卉著懷歸草堂守間堂課耕樓諸集卓友蓮太守  
藏有設色秋花立幀筆意縱橫似林以善

周亮工字元亮號櫟園一號減齋河南祥符人崇禎癸未進士清朝官禮  
部侍郎工書兼篆隸好古精鑑著讀畫錄印人傳字觸書影藏弄集結  
鄰集賴古堂集景劍泉閣學藏有初搦曹全碑有其行書跋四葉子在  
浚字雪客官山西太原經歷工隸書精攷證著藏密庵秋水軒集潛邱  
小稿花之詞天發神讖碑釋文攷楊少初太守藏有四行隸書大幀家  
西園主人藏有行書倭牋尺牘一通三十五行有陳希濂收藏印

惲格字壽平以字行更字正叔號南田一號白雲外史雲溪外史東園客  
巢楓客橫山樵者惲向族子幼年剃染靈隱寺書法禱登善山水彙萃  
元諸家超乎象外花卉胎息徐崇嗣為寫生第一家詩為毘陵六逸之

冠著南田詩草甌香館帖南田畫真本筆端具有仙氣非學者所及余  
家藏有墨筆水竹幽居圖紙本卷超逸絕塵真天仙化人也後有王暈  
水竹幽居詩又有墨筆松風圖立幀石後作雙鈎竹數竿景劍泉閣學  
藏有仿雲林鈎石檮散圖卷蕭疏淡遠清氣沁人懷抱又折枝櫻桃紙  
本立幀有高廟御覽璽三希堂印心泉上人藏有白紙便面冊十葉人  
物山水竹石花卉備極精美又設色桃花山鳥紙本立幀飄逸欲仙崇  
雨舫中丞藏有墨筆三秋圖小幀行書識語五行寓懷人意曾筌巢侍  
御藏有仿松雪秋山深趣圖絹本立幀霜林映帶絢爛奪目家西園主  
人藏有殘荷聽雨圖絹本短幀墨具五色筆高出紙李梅卿比部藏有  
設色風林雲岑圖紙本大幀為石谷尊人雲客先生作行楷七絕一首  
並跋九行時款癸卯七夕又設色罌粟花絹本大幀行書七絕識語名  
款五行又臨梅花庵主雙清圖紙本直幀行書題識四行名款一段張



樵楚少司農藏有設色山水紙本冊每葉行楷題識匡鶴泉侍郎故物  
為南田生平佳製又仿唐六如設色蕉庵圖白紙便面稜骨生秀小楷  
題識左方弟子章紳字佩玖山陽人得其嫡傳余藏有設色歲朝圖絹  
本大幀寫牡丹天竹有色有香款識二行王蓮西通副為家君書五十  
誕辰壽屏以此投報

吳歷字漁山號墨井道人江蘇常熟人工山水深詣宋元晚年肆力西法  
尤精青綠書法坡公善鼓琴跼伏海濱遂棄家焉按墨井畫在六家中  
僅列煙客次當與湘碧抗行石谷麓臺各有未逮處南田則異曲同工  
不能軒輊耳心泉上人藏有設色秋林步月圖立幀時款庚申春日又  
設色秋寺晚鐘圖紙本卷阜蔭方尚書藏有青山綠水紙本大幀以西  
法兼子久屋宇如界畫雄傑靈奇不肯寄人籬下時款康熙四十年晚  
年精力聚於此李梅卿比部藏有微著色山水直幀工整謹飭行書七

絕一首款署詩畫寄半園先生曾筮巢侍御藏有仿張僧繇翠嶂瑤林  
圖紙本大幀如錦衣御服氣象堂皇今觀者低徊不去翁叔平大司空  
藏有墨山水大幀古健沉宏心思獨運張湛如水部藏有墨山水紙本  
大冊十葉極臻蒼古卓岷原比部藏有設色金焦圖紙本小幀張樵楚  
少司農藏有設色山水紙本小幀皆合董巨妙諦古肆見有墨筆松溪  
書閣紙本大幀時款乙卯年閏五月廿五日行書二行又紙本設色耘  
業山房圖寬幀陸飛汪恭行書二跋陶曼生太守藏有仿燕文貴設色  
秋江泛望圖金牋尺幀余藏有仿松雪設色仙居圖便面愈濃湛愈見  
清刻陳詩庭孝廉藏有墨筆仿江貫道絕壑飛流圖紙本大幀時款乙  
卯閏五月寫老筆紛披觸手生辣自足俯視諸家也弟子王者佐字師  
尹同邑人心泉上人藏有設色春江花塢圖絹本大幀筆意近耕煙古  
肆見有墨筆寫白樂天詩意畫冊十葉王文治跋後九行時款己酉陽



生之月

王翬字石谷又字暉樵號耕煙散人一號烏目山人劍門樵客清暉老人  
江蘇常熟人幼從張珂遊師其矩矱復為王鑑弟子兼南北宗以清麗  
為主王時敏目為畫聖以布衣名見奉勅畫南巡聖典圖萬壽聖典圖  
摹勒清暉閣董帖按耕煙畫當時既多偽託殫心竭力亦多可觀或及  
門代作須具正法眼審之翁海珊中翰藏有設色長江萬里圖卷長約  
五丈王澍羅天池三跋又藏有設色山水絹本長幀中間寫有荷花亦  
奇致悅目家西園主人藏有仿李營邱墨山水大卷作年七十七歲王  
文治跋九行王宸跋四行阮元觀款經訓堂舊物宜春宇少司農藏有  
墨筆寫天游生山居圖紙本直幀時款丙寅長至前行書二行惲格題  
六行連緒齋上公藏有墨筆關山老木圖紙本寬幀鑪錘在手純法北  
宗張樵楚尚書藏有設色山水絹本長幀坡坵上坐有人二寸許龔侍

御翔麟小照邊隙有跋識又墨筆仿盧浩然高山草堂圖紙本大橫幅  
用山樵法兼鷗波內畫人十一鶴二時款西翁老先生康熙癸酉四月  
共題識九行又設色山水仿宋元絹本長卷辛卯夏日題四行作年八  
十歲王文治題七絕二首款署修堂李佐賢跋識又墨筆仿許道甯絹  
本長卷古肆見有青綠仿荆浩春山行旅圖紙本大幀題雲迷古木千  
章秀山抱晴川一掌平時款康熙歲次甲午作年八十三歲余藏有墨  
筆仿山樵紙本立幀蒼秀濃厚作年八十歲子疇字壽田號留耕擅仿  
趙大年景劍泉閣學藏有設色桃源春漲圖絹本卷款署臨董羽筆足  
謂清麗傳家

姜實節字學在號鶴澗山東萊陽人姜琛子以孝義著工山水仿倪黃著  
焚餘草古肆見有自寫恩親圖紙本大幀李梅卿比部藏有墨山水金  
箋大冊深厚淋漓無輕率之筆是為山左作手



文柘字端文一字曲轅號澆庵從簡子甲申後棄諸生工書畫著澆庵詩  
選張子和明府藏有小楷金牋冊十六葉得待詔家法

袁于令字令昭又字蘊玉號籀庵江蘇吳縣人官湖北荊州知府工隸書  
精詞曲著西樓記樂府余藏有行書自作小令便面脫去楷習別臻妙  
趣

鄭簠字汝器號谷口江蘇上元人宋珏弟子工隸書曹鄉溪給諫藏有四  
行隸書大幘筆力鼎扛師所未逮心泉上人藏有寸隸上元胡貞女事  
略冊十八葉

程邃字穆倩號垢區一號垢道人自稱江南布衣安徽歙縣人僑寓揚州  
工篆隸鐫刻精攷證金石擅山水詩翰余藏有墨山水紙本長幘渴筆  
枯墨規格巨師心泉上人藏有墨山水長卷經訓堂藏畢瀧跋家西園  
主人藏有墨山水立幘以蒼老之筆寫蕭森之境以巨師而兼倪迂又

### 六行隸書大幘古樸動人

王雲字漢藻一字雲庵號清癡一號竹里江蘇高郵人工人物屋宇余家  
藏有漢苑秋風圖絹本大幘款署石根內分書極小觀者咸稱為仇實  
父按雲之父名斌字五寅本寫生家也

陳梁字則梁號浣公一號侖者山翁散本子浙江海鹽人工書晚年為僧  
號个亭和尚著菟園侖者浣筆池个亭諸集孫小山分轉藏有小行書  
詩牋四幅極有別趣

許箕字巢友號龐村浙江海甯人居梅里工書著捫膝軒詩鈔譚警齋農  
部藏有行書梓人傳卷極丰神挺秀

王撰字異公號隨庵時敏子畫守家法著三餘集余家藏有墨筆壺天十  
二峰圖紙本大幘款署用子久法兼仿房山時年八十歲蒼厚腴潤深  
得乃翁衣鉢瑛蘭坡中丞藏有墨山水便面款署八十一翁隨庵戲墨



古肆見有青綠仿大癡夏山欲雨圖絹本直幀行書七絕一首款署駿公

朱用純字致一號柏廬江蘇崑山人甲申遭亂棄諸生隱居教授確守程朱著格言工書家西園主人藏有行書尺牘三通筆意秀潤純法二王也

王武字勤中號忘庵又號雪顛道人江蘇吳縣人王鏊六世孫工花鳥家西園主人藏有設色梅花大卷盡古艷古香之妙增芝田觀察藏有紅梅絹本立幀兄會字鼎中山水宗房山花卉與武競爽王金珊農部藏有墨筆仿房山山水立幀武弟子張畫字文始號硯山同邑人瑛蘭坡中丞藏有海棠朱雀便面逼真能手姜廷幹字綺季浙江餘姚人王蓮西通逼藏有設色蜀葵梔支立幀直接南田金銜題七律一首名款共五行

朱嵩字中峰浙江山陰人工山水同時王翬長於設色嵩工於用墨翬乾溼筆互用嵩專用溼筆余家藏有墨山水立幀參仿北苑叔明一渲一染能博渾淪氣象亦非專用水墨也

畢述宏字既明浙江海鹽人精篆隸著六書通念園草張仰山處士藏有臨史晨碑四行大幀

黃雲字仙裳號舊巢江蘇泰州人布衣書宗蘇米著悠然堂桐引樓諸集吳曉瞻司馬藏有小行書樂府長卷脫畫楷習高懿伯駕部藏有行書綾本立幀筆氣超逸

高士奇字澹人號瓶廬一號江邨賜號竹窗浙江錢唐人賜同鴻博官少詹事晉禮部侍郎謚文恪精攷證為第一鑑藏家著江邨銷夏錄家西園主人藏有行書尺牘詩牋四通黃易趙懷玉陳希濂張廷濟湯貽汾題跋三葉伊秉綬隸書觀款餘見概皆贗鼎即舊卷冊題跋亦多倩人



代書者也

朱彝尊字錫鬯號竹垞又號醜舫一號金風亭長小長蘆釣魚師浙江秀水人薦鴻博授檢討詩古文詞攷證擅名一代研精經學工分隸著日下舊聞攷曝書亭等集陳詩庭孝廉藏有六行隸書絹牋大幀弟彝鑑字千里工書畫篆刻陳冠生殿撰藏有寸隸書舊作大卷孫福孫字稼翁薦鴻博隸得家傳著六峰閣詩稿王金珊農部藏有五行隸書大幀款署稼翁二字有六峰閣文恪後裔兩印

嚴繩孫字孫友一字冬孫號秋水又號藕蕩漁人自稱勾吳嚴四江蘇無錫人薦鴻博官中允工山水花卉尤精寫鳳著雨青草堂秋水集唐箋舫上舍藏有墨筆仿北苑山水立幀媽潤疏爽有間逸趣曾筮巢侍御藏有墨花卉立幀文人妙筆洛工迥別鶴道人題印章莫辨陳鶴舟明府藏有行書七律大幀有晉人意子泓曾字青梧山水接武家法黃子

中農部藏有墨山水絹本立幀款署仿思翁法石上用米點重疊淹潤欲滴逸品也

趙澄一名澂字湛之號雪江安徽徽州人山水宗南北兼工寫照古肆見有設色山水立幀筆墨謹飭斂才就範頗類耕煙

吳之振字孟舉號黃葉村農浙江仁和人貢生授中書工書輯宋人詩鈔著黃葉村農集陳詩庭孝廉藏有行書詩冊十葉得晉人風味劉仙舟臧尹藏有楷書詩冊兼大令永興極為腴潤

項奎字子聚號東井又號牆東居士聖謨從子山水宗元人多用渴筆工詩著晚盥堂集景劍泉閣學藏有墨山水小冊八葉皆寫香山詩句古肆見有為吳孟舉作黃葉村莊圖墨筆紙本卷布局縝密用意孤高禿而不枯密而不紊宋肇高士奇閻若璩等題並吳之振自題以名品索值過鉅未悉所歸



盛遠字子久一字宜山號鶴江浙江嘉興人諸生工書著辦香閣詩鈔瑛  
蘭坡中丞藏有小行楷便面具挺秀姿

諸昇字日如號曦庵浙江仁和人寫竹專家心泉上人藏有墨竹大屏四  
幀風雨煙雪四景余家藏有竹石絹本大幀尤覺秀勁

張在辛字卯君一字兔公號柏庭又號子輿山東安邱人鄭蘆弟子優貢  
生工書畫篆隸李梅卿比部藏有臨漢鏡銘四行大幀又臨史晨碑三  
行屏四幀純尚古拙力透紙背

蔡遠字天涯一字徵涯號月遠又號紫渭山人福建汀州人山水私淑王  
翬牛馬不遜楊晉楊少初太守藏有設色仿李營邱秋樹圖大幀直與  
耕煙血戰周杏農少司農藏有仿李公麟仙山樓閣圖大卷與酣意遠  
獨擅精研王蓮西通副藏有墨筆仿劉完庵溪山倚檣圖大幀楊西亭  
恐所不逮戴培之藏

汪野字笠間號荔幢一號煙羅江蘇長洲人工山水善摹子久與王翬同  
時並名景劍泉閣學藏有紙本墨山水立幀蒼潤疏古瑛蘭坡中丞藏  
有墨筆金牋便面皴擦纖雅

汪文柏字季青號柯庭一號柯亭浙江桐鄉人官兵馬司正指揮工詩書  
畫精鑑定築古香樓藏書甚富著柯庭餘習家西園主人藏有墨桃花  
立幀題柳梢青一闕名款一行亦頗精雅

金造士字民譽號就隱江蘇嘉定人吳歷友畫如一手陶峻厓農部藏有  
墨山水立幀寫浣花詩句規格似巨師渾融道鍊張樵楚少司農藏有  
設色仿王叔明靜深秋曉圖大幀禮湛深秀幾並墨井時款丁丑五月  
另署云既得此圖以示魏文賢甥意欲得之因而相贈心泉上人藏有  
墨筆霜柯圖立幀亦極秀雅

赫奕一名赫頤字澹士號南谷又號碧巖蕭史滿洲正白旗人官工部尚



書山水宗宋元瑛蘭坡中丞藏有設色摹各家山水紙本冊渾厚縝密  
幾與煙客無異中有仿李竹嬾倪雲林其高逸尤不可嚮爾阮元跋半  
葉伊秉綬隸書觀款一行

俞琨原名璟字企塘一字是齋號更生江蘇無錫人工人物樹石取法元  
人著論畫瑣言題畫瑣言瑛蘭坡中丞藏有墨山水金牋便面氣骨高  
逸有項孔彰意

徐蘭字芳若號芝仙順天通州人工花卉從安郡王出塞著出塞圖詩芝  
仙書屋集余家藏有設色海棠丁香紙本立幀窮極生動不徒以敷染  
見長每當春季懸諸壁間與瓶中所挿二花掩映爭妍當時好遠遊所  
作皆散帙四方至今摻求不易

范驥字文白號默庵浙江海甯人諸生工書增芝田觀察藏有臨褚書蘭  
亭倭牋卷飄逸得勢

高簡字澹游號旅雲一號一雲山人江蘇吳縣人山水宗宋元工詩濮南  
如明府藏有設色仿元人梅花書屋圖絹本大幀局度縝密惜幅頭過  
大安得有此廣廈哉

余懷字無懷號澹心又號鬢持老人福建莆田人工書精詩詞僞寓白下  
徵歌選曲至老不倦著板橋雜記味外軒稿古肆見有無款士女立幀  
有其行書題南北曲三十行亦小照之屬

顧昉字日方一字元始號若周又號晚臯一號耕雲江蘇上海人工山水  
初客京師適王翬恭繪南巡盛典圖得窺其秘遂益精進景劍泉閣學  
藏有墨筆仿大癡山橋曳杖圖卷清潤幽深張子和比部藏有仿關仝  
設色山水立幀儼合石谷法度

毛宗文字建平號半山又號臯亭浙江錢唐人工楷書著扶雅堂詩集古  
肆見有楷書雜詩絹本冊豐秀似王雅宜聞歸王竹吾司馬物聚所好



固亦無憾矣

顧文淵字文甯號湘源一號雪坡又號海粟居士江蘇常熟人工山水花木與王鑑遊六法益精因與王翬形似改寫竹妙善補以泉石景劍泉閣學藏有幽篁怪石絹本立幀直逼柯敬仲

徐方字允平號鐵山一號亦舟江蘇常熟人山水以清麗遜王翬改畫馬特臻神妙周苻農少司農藏有設色春郊試馬圖絹本卷筆意雖平迥非耕煙蹊迳益見昔人之立志也

甌鉢羅室書畫過目攷卷一終

長白景澍星階校訂

劉義臣書



通為天(天)家